

## BESTELAKO XEDAPENAK

HERRI ADMINISTRAZIO ETA JUSTIZIA SAILA

5028

*EBAZPENA, 2013ko azaroaren 4koa, Toki Administrazioekiko Harremanetarako eta Administrazio Erregistroetako zuzendariarena, Lezako eta Navaridaseko Udalek Idazkaritzako lanpostu bat bi udalen artean mantentzeko eratu zuten elkarte desegiteko, eta Lezako eta Navaridaseko Udalen eta Arabako Errioxako Urkidetzaren arteko Elkarte, helburu berarekin, eratzeke dena.*

Toki Administrazioiko gaikuntza nazionalako funtzionarioentzat gordetako lanpostuak betetzeari buruzko uztailaren 29ko 1732/1994 Errege Dekretuaren 3.b) artikulua arabera, autonomia erkidegoei dagokie berezko dituzten arauak jarraituz beren lurralde eremuan elkarteak eta erakundeak sortu eta desegiteko erabakia hartzea.

Administrazio Orokorraren Herri Administrazio eta Justizia Sailari dagokio Euskal Autonomia Erkidegoan idazkaritza lanpostu bakarra elkarrekin mantentzeko helburuz elkarteak sortzeko, aldatzeko eta desegiteko espedienteak onartzea, horrela ezartzen baitute 1732/1994 Errege Dekretuaren 3. artikulua dagokionez Enplegatutako Publikoaren Oinarriko Estatutuaren apirilaren 12ko 7/2007 Legearen Errege Dekretuko bigarren xedapen gehigarriak, Enplegatutako Publikoaren Oinarriko Estatutuaren zazpigarren xedapen iragankorrak ezarritako moduetan eta, halaber, Lehendakariaren abenduaren 15ekoa 20/2012 Dekretuak (Euskal Autonomia Erkidegoaren Administrazioiko sailak sortu, ezabatu eta aldatzen dituen eta horien egitekoak eta jardun-arloak finkatzen dituen).

2013ko ekainaren 26an eta 25ean izandako bileretan, hurrenez hurren, Lezako eta Navaridaseko Udaletako osoko bilkurek onartu zuten, alde batetik, Idazkaritzako lanpostu bakarra elkarrekin mantentzeko helburuz osatzen duten elkarte desegitea; eta, bestetik, Lezako eta Navaridaseko Udalen eta Arabako Errioxako Urkidetzaren arteko beste elkarte bat eratzea, helburu berarekin.

Azken erakunde horri dagokionez, Euskal Autonomia Erkidegoko Auzitegi Nagusiaren Epaia, 2008ko urriaren 13an emandakoak, eta Auzitegi Gorenaren 2011ko azaroaren 24ko Epaia berretsita, adierazi zuen Arabako Errioxako Urkidetzak Estatu osorako gaikuntza duten funtzionarioentzat erreserbatuta dagoen idazkaria izan behar duela, mota horretako funtzionarioek egin behar dituzten funtzio publiko horiek egiteko. Hori dela eta, 2013ko maiatzaren 17ko Toki Administrazioekiko Harremanetarako eta Administrazio Erregistroetako zuzendariarena Ebazpenaren bidez, Arabako Errioxako Urkidetzako Idazkaritza lanpostua sortu zen, Estatu gaikuntza duten Toki-administrazioko funtzionarioentzat gordeta, eta hirugarren mailan sailkatu zen.

Gauzak horrela, beste toki erakundeek egin duten moduan, Arabako Errioxako Urkidetzako Batzar Orokorrak 2013ko ekainaren 7an bilketan onartu zuen akordioa Lezako eta Navaridaseko Udalen eta Arabako Errioxako Urkidetzaren arteko Elkarte eratzeke, Idazkaritzako lanpostu bakarra elkarrekin mantentzeko.

Prozeduraren instrukzio fasean, Arabako Foru Aldundiak, Toki Administrazioaren diputatuaren urriaren 7ko 207/213 Foru Agindua bidez, adierazi zuen Elkarte hau eratzearen alde zegoela. Gainera esan beharra dago, ez aipatutako udalek, ezta oraingo Lezako eta Navaridaseko Udal Elkarteko idazkariak ere (azaroaren 26ko 30/1992 Herri Administrazioen Araubide eta Administrazio Prozedura Erkidearen Legearen 84. artikulua arabera betebeharreko entzunaldiaren izapidea eman ondoren) ez dutela fase honetan alegazio bat ere aurkeztu.

1732/1994 Errege Dekretuak, 3. artikuluen a) atalean, aurreikusten du Toki Erakundeek, zerbitzu edo baliabideen bolumena nahikoa ez bada, Idazkariko lanpostua elkarrekin mantentzeko xedez elkarte bat sortu ahalko dute.

Horrela, Lezako eta Navaridaseko Udalek aztertu ondoren, ikusten da haien aurrekontuak honako hauek direla: Lezakoa 446.239 euro, eta Navaridasekoa 283.196,77 euro; hau da, ziurtatu dago lanpostu bakarra Udal bakoitzak mantentzeko baliabideen bolumena nahikoa ez dela; eta Urkideztari dagokionez, nahiz eta aurrekontua nahikoa den lanpostua mantentzeko, ulertzen da zerbitzuen bolumena nahikoa ez dela lanpostu bakarra mantentzeko eta lanaldi osoa izateko (Estatutuen 6. artikuluen arabera, Urkideztak helburutzat du ur-horniduraren oinegitura eta lehen sareen saneamendua ezartzea eta ustiatzea, baita dagozkion zerbitzuak ematea ere).

Hori dela eta, uztailaren 29ko 1732/1999 Errege Dekretuaren 3.2 artikuluari eta Herri Administrazio eta Justizia Sailaren egitura organikoa eta funtzionala ezartzen dituen apirilaren 9ko 188/2013 Dekretuaren 10. artikuluari jarraituz, honako hau,

#### EBAZTEN DUT:

1. artikulua.– Lezako eta Navaridaseko udalek Idazkaritzako lanpostu bat euren artean mantentzeko eratu zuten elkarte desegitea.

2. artikulua.– Lezako eta Navaridaseko udalek eta Arabako Errioxako Urkideztak Idazkaritzako lanpostu bat elkarren artean mantentzeko elkarte eratzea, Navaridasen hiriburutza izango duena.

3. artikulua.– Eratutako Elkarrearen Idazkaritza hirugarren mailakoa sailkatzea.

#### AZKEN XEDAPENETATIK LEHENENGOA

Ebazpen honek ez dio bukaera ematen administrazio-bideari, eta beraren aurka, gora jotzeko errekurtsioa jarri ahal zaio Erakunde Harremanetarako sailburuordeari, hilabeteko epean, ebazpena argitaratu eta biharamunetik hasita, hala xedatuta baitago Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 114. eta 115. artikuluetan, eta ez zaio uko egiten errekurtsioa aurkezteko xedez zuzenbidean onartutako edozein bideri.

#### AZKEN XEDAPENETATIK BIGARRENA

Administrazioarekiko Auzietako Jurisdikzioa arautzen duen uztailaren 13ko 29/1998 Legearen 44. artikuluari jarraituz, ukitutako herri-administrazioek ez dute administrazioarekiko errekurtsorik jartzerik izango ebazpen honen aurka. Hala ere, ebazpen hau errekurritu daiteke Euskal Herriko Auzitegi Nagusiaren Administrazioarekiko Auzien Salan, bi hilabeteko epean, ebazpena argitaratu eta biharamunetik hasita, 29/1998 Legearen 45. eta hurrengo artikuluen arabera. Halaber, aurretiaz eta epe berean, Administrazio Erregistroen eta Toki Araubidearen Zuzendaritzari eskatu ahalko diote ebazpena deuseztatu edo atzera bota dezala, hala xedatuta baitago 29/1998 Legearen 44. artikuluan.

Vitoria-Gasteiz, 2013ko azaroaren 4a.

Toki Administrazioekiko Harremanetarako eta Administrazio Erregistroetako zuzendaria,  
ELIXABETE ETXANOBE LANDAJUELA.